

優等獎

臺北居

陳文峯

郊居通勤

敞廬遙接綺雲端，辰出西歸如磨盤。橋影欲斜嗟逝水，車流疾下瀉奔湍。
一身膩垢無人識，十里芳郊強自寬。盡說鵬城居不易，寧親曷憚道途難。

偶經新婚所賃舊居

燕爾成家憶苦甜，職涯生趣始難兼。覓巢未省憐風月，僦屋時愁諱米鹽。
室雅留春知不匱，心寬處世學卑謙。斜陽曲巷芳鄰改，舊識烏衣喧短檐。

案：次句「職涯」（職場生涯），「Career」外語今譯；「生趣」：生活情趣。

卜居

望子學成凌眾儕，窄門魚躍漸升階。拈鬮暗濤躋薇閣，寄籍先籌近石牌。
宅未處仁焉得智，世難守拙愧多乖。卜居臺北誠惶窘，安借一塵寬我懷。

案：「薇閣」與「石牌」分指臺北市北投區私立薇閣中學，與市立石牌國中，兩所皆為當地著名高中會考高升學率學校。

安居

長羨蝸牛擁殼眠，愧余庸碌已三遷。苦謀方寸立錐地，盡覈半銖償債錢。
徙傍都門終有託，效誇州宅偶成篇。卜鄰喜見雲沉水，疊映西峰晚更妍。

案：元稹有〈誇越州州宅〉四韻寄友，白居易作〈答微之誇越州州宅〉廣和。

作者介紹

陳文峯

畢業於臺灣大學經濟系，非文學院科班出身；在人生半途中發掘自己的興趣，摸索、探討、學習古典詩，用心書寫生活中隨手俯掀的動人詩篇與樂章。

評審意見

文幸福

此組詩雖是個人「三遷」經歷，然亦能反映臺北之部分經驗：高房價，交通頻繁，居大不易之現象。整組詩以個人居處為串連，符合組詩結構，且文字圓熟通暢，內容沉鬱完整。

首唱個人初出社會，寫通勤上班雖遠，而可以侍親為慰，一念仁孝，固百行之先。首聯「敝廬遙接綺雲端」，點出郊居，「辰出酉歸如磨盤」，點出通勤，繳足題意。合聯「車流」寫交通，承接得宜。腹聯轉寫個人風塵膩垢及自寬感受，結聯寫通勤雖苦而寧親則便。起承轉合，結構完整。

第二首寫賃屋結婚，其時經濟條件不佳，只能僦居短檐，雖簡陋刻苦而尚能自礪。結聯「斜陽曲巷芳鄰改，舊識烏衣喧短檐」頗為精警。

第三首為兒子選學區而遷居，此則為人父母，望子成龍之普遍心態，合聯「拈鬮暗禱躋薇閣，寄籍先籌近石牌」既貼切，又工巧。腹聯轉以里仁自勉，則不一味以功利為尚也。

第四首貸款購屋，雖苦於借貸，而樂於有成，喜形於色，「苦謀方寸立錐地，盡覈半銖償債錢。徙傍都門終有託，效誇州宅偶成篇。」承轉之間，感受深刻。

全組詩一氣呵成，韻律精審，詩味盎然，而又符合臺北經驗，允為佳構。